

**Jubilæum Sæculare Ecclesiæ Catholicæ Per Septendecim  
Sæcula Militantis & Triumphantis Contra Idololatriam,  
tyrannos, hæreses, schismata, errores, & scandala**

Per Septendecim Sæcula Militantis & Triumphantis Contra Idololatriam,  
tyrannos, hæreses, schismata, errores, & scandala ; Ex Annalibus  
Ecclesiasticis collectum Pro Xenio Oblatum Academicæ Sodalitati  
Dominorum B. Mariæ Virginis Annunciatæ Herbipoli, Anno ...

**Herbipoli, 1701**

Decas IX. Ab anno Christi 1080. ad 1090.

---

[urn:nbn:de:hbz:466:1-64765](#)

Ravennatem sceleratissimum, & dicunt Clementem III. Scripsit autem pro Gregorio apologiam Anselmus Lucensis Episcopus, cui tantò plus fidei adlibitum est, quanto ejus sanctimonia jam toti orbi testator erat. Gregorius interim Coronam auream misit Rudolpho his verbis inscriptam: *Petra dedit Petro, Petrus Diadema Rudolpho.* Sed non diù uti licuit, prælio enim atrocissimo Henricum inter & Rudolphum commisso, hic manum, & paulò post vitam amittit, schismaticis supra modum insultantibus.

Inventum est hoc anno Salerni diù occultatum corpus S. Matthæi, cui magnificam Basilicam curavit Robertus Guiscardus Nortmannorum Dux, factus ex improbo & excommunicato pientissimus.

...  
...  
...  
...  
...  
...

## DECAS IX.

\* *Ab anno Christi 1080. ad 1090.* \*

1081. **R**obertus Guiscardus in Orientem  
15. millia Nortmannorum traducit, quibus occurrens cum centum septuaginta millibus Alexius Comnenus turpiter superatus est.

Henricus ex Rege jam tyrannus cum  
Guil.

Guilberto Anti-Papâ, & cum modicâ manu, sed audaciæ & furoris plenâ, Romam venit, ob sidetque Leoninam urbem, sacrilegâ Ecclesiarum expilatione, Clericorum vexatione, & bonorum direptione insaniens furia. Gregorius autem ad fortiter tolerandum mala bonos omnes invitavit, & meliora tempora pollicitus, vates non falsus inventus est.

Canutus Rex Daniæ Martyrio afficitur.

Gregorius gratulatur Visigothis ad Fidem Catholicam iterum conversis.

\* (1082.) \* Henrico absente Saxones in locum Rudolphi eligunt Regem, Hermannum Lotharingiæ Ducem, virum fortem & militarem, sed huic defuit felicitas, dum enim irrumpit in castrum expugnatum, molari lapide per foeminam injecto, obteritur, Pyrrhum, sicut in fortitudine, sic in morte imitatus.

Henricus autem veritus, ne ob tumultus ortos in Saxoniam revocaretur, intercipere conatus est insidiis Pontificem, sed eum hostis sui calliditas & furor fecerunt prudentiorem.

\* (1083.) \* Captâ urbe Leoninâ, Henricus in Sedem Petri intrudit Guilbertum Anti-Papam, qui à tribus schismaticis Episcopis mox consecratus, ac paulò post ab

Henrico Ravennam remissus est. Postea omnibus modis Urbem in suam potestatem redigere conatus est promissionibus, fraude & arte, sed his omnibus Ecclesia Defulta præsidio prævaluit.

\* (1084.) \* Henricus ipsam Romanum occupat, & Gregorius retinens omnes pontes & munitiora loca, in molem Hadriani se recipit, Guilbertus verò ibidem Henricum in Imperatorem coronat. Advenit interea Guiscardus Nortmanniæ Dux cum exercitu, & Henricum atque Guilbertum unā cum Cardinalibus suis administris plerisque conjugatis vincit, Urbem rebellem diripit, & magnâ ex parte incendit, sive ex odio Romanorum, seu ex Pontificis amore, ita svadente Cinthio Consule, ut Romanis in restinguendo incendio occupatis facilis Pontifex subducetur, qui incolmis Cassinum, atque inde Salernum pervenit.

Interea Henricum in Germaniam rediuntem Catholici cum Mathildis Comitis copiis conjuncti bello aggrediuntur, & nobilissimam victoriam reportant, paucis suorum desideratis, & fusis cæsisque Henricianis.

\* (1085.) \* Moguntiæ ab Henricianis pseudo-Synodus celebratur, in quâ iterum

rūm Pseudo-Pontifex Guilbertus confirmatur, & Gregorius deponitur. Neque tamen inultus, Deo causam legitimi Pontificis agente, & lue magnā immisā adversarios plebētente, quā magnā ex parte Henriciani consumpti sunt.

Brevi post hæc in exilio obiit Pontifex Salerni multis miraculis post obitum clausus, cuius corpus etiam post annos quingentos penitus incorruptum repertum est.

Obiit eodem anno Guiscardus naturali morte in Insulā Corcyrā, cùm jam annos viginti Dux fuisset Apuliæ, Calabriæ & Siciliæ, vir optimus, cùm bonus fuit, cùm verò malus, pessimis adnumerandus.

\*(1086)\* Cardinales Romam convenientes in locum defuncti Gregorii Desiderium Abbatem Cassinensem, invitum licet & reluctantem, Pontificeem creant, & Victorem III. nominant, sed is post quartuor dies ex Urbe egressus, Terracinæ insignia Pontificatus deponit, & ad suum Monasterium Cassinense se recipit.

Catholici in Germaniâ Sueorum & Saxonum Principes Herbipolim absidentes advenientem ad eos repellendos cum plus quam viginti milium milibus Henricum, ipsi vix decem milium numero sanctissimæ Crucis vexillo prævio, atque confisi

de misericordiâ Domini, quam multis gemitibus prostrati in terram implorârunt, postridie festi S. Laurentii immensâ clade fuderunt, occisis multis hostium millibus, captisque ingentibus spoliis, & ipso primo congressu Henrico dissimulato habitu inter primos fugiente. Ex parte verò Catholicorum tribus tantùm militibus in certamine, & aliis duodecim posteà ex vulneribus occubentibus.

Carthusianorum Ordo hoc eodem anno instituitur, conditore S. Brunone Agripinensi, Canonico Rhemensi, qui cum sex aliis sociis vocatus à Deo venit ad S. Hungonem Gratianopolitanum, à quo montes asperrimos, quos incolerent, Carthusianos dictos, accepere.

¶(1087.)¶ Hoc anno Victor III. Cleri populiisque precibus exoratus, Pontificia ornamenta resumit, & Ostiæ consecratur, posteà verò Romam venit. Guibertus autem Anti-Papa ad S. Mariam ad Martyres se recipit, atque inde multa hostilia in Urbem & Italiam exercet. Victor autem sapientior & justior expeditionem in Saracenos Africanos convertit, & eosdem maximâ clade afficit, dum verò Beneventum Synodum cogit in morbum incidit, indeque se Cassinum reportari jubet, ubi sexagenas.

genarius piissimè moritur, admonitis priùs Cardinalibus ut se mortuo nullum præter Ottонem Ostiensem Episcopum eligerent. Et hanc monitionem Ecclesiæ non inutilē fuisse ostendit eventus.

¶(1088.)¶ Otto Episcopus Ostiensis Tarracinæ Pontifex creatur, assumpto Urbani nomine, Guilbertus autem in sua contumacia perseveravit.

Mortuus est hoc anno Hermannus Rex Germaniæ Catholicus, in Turingia quò secesserat, Saxonibus rebellantibus; Cui datus mox successor ab iisdem Saxonibus Eggelbertus, ne Pax Henrico concessa bellum in Ecclesia reaccenderet.

Obiit eodem anno cariosus ille hæreticus Berengarius prope nonagenarius. Cui honorificum Epitaphium scripsit ejus amicus Hildebertus Archidiaconus paulo solutioris vitæ, factus tamen postea magnæ sanctitatis & eruditionis Episcopus. Itaque quæ in laudem haud promeritam scripsit de Berengario, ea nondum in Episcopum Sanctum commutatus scripsisse censendus est.

¶(1089.)¶ Guilbertus Anti-Papa hoc anno à Romanis urbe expellitur & Urbanus Papa III. Synodum Generalem Romæ celebrat in præsentia Episcoporum 225.

Henri-

Henricus invitatus à Principibus Catholicis ad pacem sub specie coronationis ab Urba-  
no obtinendæ, non abnuit, sed ab Episco-  
pis Schismaticis, qui suam depositionem  
magis, quam illius, reformidabant, à pro-  
posito retrahitur.

Mathildis Comitissa pio conjugio copi-  
lata est cum Welphone Duce filio Wel-  
phonis Ducis Bojariæ, nepote Azonis  
Marchionis Ferrarensis, ut plūs posset in  
Schismaticos, neque tamen cum illo un-  
quam commixta est, simulque fuit nupta  
vidua & casta, atque sic non tantum res-  
suas, sed & se totam consecravit Ecclesiæ.

Eustachius Patriarcha Constantinopol-  
Cosmæ successor mortuus locum reliquit  
Nicolao cognomine Grammatico, cuius  
fides diuturnior quam melior extitit.

\* (1090.) \* Henricus in omnia vitia  
ruit, & interea Episcopatus & reliqua be-  
neficia Ecclesiastica palam vendit pro pe-  
cunia, pro gladio, pro adulterio, & pro  
sodomia, ut in suis criminibus non scelerat-  
tus tantum sed furiosus esse videretur,  
unde etiam in Italiani transire desti-  
navit, ut Mathildem oppri-  
meret.

DE.

## DECAS X.

Ab anno Christi 1090. ad 1100.

1091. **R**edit Romam Guilbertus & recipitur à Romanis Henricum formidantibus, in eam autem cum ingredi posset Urbanus Papa tunc in Campania moratus cum suis maluit videri minus posse ne urbs desolaretur.

Interea Henricus Mantuam jam undecim mensibus obfessam proditione cepit, & civitates omnes vicinas occupavit, paucis exceptis, quas firmiores muri ab ejus impetu vindicarunt. Catholici interim precibus & piis operibus se defenderunt & in Germania præsertim egregiæ sanctitatis specimen dederunt, dum non solum Clerici & Monachi religiosissimè vitam communem observarunt, sed etiam innumerabilis multitudo sæcularium virorum & fœminarum, conjugatorum & cælibum, in urbibus & in villis eandem vitam coniunem sub obedientiâ Clericorum & Monachorum in primitivæ Ecclesiæ formam devotissimè amplexati & non nisi habitu monachis dispares facti sunt: quorum vivendi rationem Urbanus Papa laudavit &

contra

D E